

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U TEŠNJU
Broj: 39 0 K 079317 25 K
Tešanj, 22.05.2026. godine

U IME FEDERACIJE BIH !

Općinski sud u Tešnju, sudija Besima Ajanović, uz sudjelovanje zapisničara Mahmutović Ninele, u krivičnom predmetu protiv optuženog S. Đ., zbog počinjenog krivičnog djela „Davanje dara i drugih oblika koristi“ iz člana 381. stav 1. KZ FBiH, a po optužnici Kantonalnog tužilaštva ZE-DO kantona Zenica broj: T04 0 KTK 0065721 25 od 21.11.2025.godine, nakon održanog ročišta za razmatranje izjave o priznanju krivnje dana 14.05.2026.godine u prisutnosti Kantonalnog tužioca Ahmetlić Amre, optuženog Đ. S. i branioca optuženog Azra Alić-Bedak advokat iz Tešnja, dana 14.05.2026.godine u prisutnosti Kantonalnog tužioca, optuženog i branioca donio je i javno objavio slijedeću:

P R E S U D U

OPTUŽENI: OPTUŽENI: S. Đ., sin R. i majke S., rođene M., rođen ... godine godine u T., nastanjen na adresi G. R. bb, općina T., po narodnosti Srbin, državljanin BiH, JMB: ..., pismen, sa završenom srednjom školom, po zanimanju varilac, zaposlen, neoženjen, dobrog imovnog stanja, nije služio vojsku, nema čin rezervnog vojnog starješine, bez podataka o vođenju u vojnim evidencijama i o odlikovanju, neosuđivan, ne vodi se drugi krivični postupak

K R I V J E

Što je:

Dana 09.09.2025. godine oko 16.00 sati na parking prostoru pored magistralnom putu M-4 u mjestu Ž., općina U., u blizini upravne zgrade pravnog lica „Ćosićpromex“ d.o.o. Usora, prilikom saobraćajne kontrole putničkog motornog vozila marke „BMW“ registarskih oznaka ... crne boje, kojim je pod uticajem alkohola upravljao S. Đ., izvršene od strane službenih osoba, u smislu člana 2. tačka (3) Krivičnog zakona Federacije BiH, Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora, policijskih službenika I. A. i F. K.a, koji su u navedeno vrijeme obavljali službenu dužnost na temelju Patrolnog naloga Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora za dan 09.09.2025. godine od 07.00 sati do 19.00 sati broj: 08-02-11/3-03-10-7-0518/25 od 09.09.2025. godine, po zaustavljanju i parkiranju navedenog putničkog motornog vozila na opisanom parkingu i nakon izdavanja usmene naredbe policijskog službenika F. K. da S. Đ. dostavi na uvid i pregled dokumentaciju za navedeno putničko

motorno vozilo i da dođe do drugog policijskog službenika I. A., koji se nalazio na suvozačevom mjestu u službenom vozilu marke „Škoda“ tip „Rapid“, registarskih oznaka ..., po dolasku S. Đ. do vozačevog mjesta navedenog službenog vozila, policijskom službeniku I. A. u krilo bacio novčanicu u apoenu od 20,00 Eura serijskog broja: RP ... i nakon što mu je policijski službenik I. A. rekao „Vrati to, ne želim“, istovremeno vraćajući lijevom rukom navedenu novčanicu S.Đ., S. Đ. je sa obje ruke uhvatio lijevu ruku policijskog službenika I. A. jako gurajući navedenu novčanicu u lijevu ruku navedenog policijskog službenika istovremeno govoreći mu „Uzmi to“, insistirajući i dalje na davanju navedene novčanicu navedenom policijskom službeniku, svjestan da na taj način želi da izbjegne saobraćajnu kontrolu radi utvrđivanja eventualne prekršajne odgovornost zbog eventualno počinjenog prekršaja propisanog Zakonom o osnovama sigurnosti saobraćaja na putevima u Bosni i Hercegovini („Sužbeni glasnik BiH“, br. 6/2006, 75/2006 - ispr, 44/2007, 84/2009, 48/2010, 48/2010 - dr. zakon, 18/2013, 8/2017, 89/2017, 9/2018 i 46/2023), koji se odnosi na upravljanje putničkom motornim vozilom pod uticajem alkohola, podmićivanjem policijskog službenika I. A., što je i htio, nakon čega je od strane policijskih službenika I. A. i F. K. lišen slobode, a novčanica u apoenu od 20,00 Eura serijskog broja: RP ... od istog privremeno oduzeta

Dakle, službenoj osobi u FBiH učinio dar da u okviru svoje funkcije ne učini što bi morala učiniti,

Čime je počinio krivično djelo „Davanje dara i drugih oblika koristi“ iz člana 381. stav 1. Krivičnog zakona Federacije Bosne i Hercegovine (KZ FBiH), pa mu se primjenom navedenih zakonskih odredaba i na osnovu odredaba člana 49. i 62. KZ FBiH, izriče

UVJETNA OSUDA

Kojom se optuženom S. Đ., sin R., G. R.bb, općina T., zbog počinjenog krivičnog djela „Davanje dara i drugih oblika koristi“ iz člana 381. stav 1. KZ FBiH, utvrđuje kazna zatvora u trajanju od osam (8) mjeseci, a koja kazna se neće izvršiti ukoliko optuženi u roku od 2 (dvije) godine računajući od dana pravosnažnosti presude ne učini novo krivično djelo.

U smislu članova 381. stav 4. i 78. stav 1. Krivičnog zakona FBiH od optuženog S. Đ. trajno se oduzima novčanica u apoenu od 20,00 Eura serijskog broja: RP ... o čemu mu je izdata Potvrda o privremenom oduzimanju predmeta Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora broj: akt broj 08-02-11/3-03-10-03-52-26/25 od 09.09.2025. godine., koja sredstva nakon pravosnažnosti presude će biti uplaćena u korist budžeta FBiH.

U smislu članova 199. stav 2. tačka a) i g) i 202. stav 1. Zakona o krivičnom postupku optuženi se obavezuje na plaćanje troškova krivičnog postupka-paušala u iznosu od 100,00 KM, u roku od 30 dana od dana pravosnažnosti presude.

Obrazloženje

Kantonarno tužilaštvo ZE-DO Kantona Zenica optužnicom broj: T04 0 KTK 0065721 25 od 21.11.2025.godine, optužilo je S. Đ., sin R., G. R. bb, općina T., zbog počinjenog krivičnog djela „Davanje dara i drugih oblika koristi“ iz člana 381. stav 1. KZ FBiH, na način, vrijeme i mjesto kako je to opisano u činjeničnom opisu optužnice temeljeći optužbu na dokazima koji su provedeni tokom istrage i predloženi u optužnici.

Općinski sud u Tešnju optužnicu broj: T04 0 KTK 0065721 25 od 21.11.2025.godine, potvrdio je dana 04.12.2025.godine i zakazao ročište za izjašnjenje o krivnji.

Na ročištu za izjašnjenje o krivnji koje je održano dana 14.05.2026.godine optuženi, nakon što je u smislu odredaba člana 13. ZKP-a, poučen o svojim pravima izjavio je da je izvršio radnje na način i vrijeme kako je to opisano u dispozitivu ove presude, da je izvršio predmetno krivično djelo i da priznaje krivnju.

Nakon razmatranja izjave o priznanju krivnje uvjerenje suda je da je do priznanja krivnje došlo dobrovoljno, sa razumijevanjem da je optuženi svjestan svih posljedica i obaveza koje proističu iz priznanja krivnje te da postoji dovoljno dokaza o krivnji optuženog, pa je sud i prihvatio izjavu o priznanju krivnje, a koje priznanje je potkrepljeno materijalnim dokazima prikupljenim u toku istrage i to: Zapisnik o uviđaju Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora broj: akt broj 08-02-11/3-03-23/25 od 09.09.2025. godine; Fotodokumentacija za obavljenog uviđaja Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora broj: 23/25 od 09.09.2025. godine; Potvrda o privremenom oduzimanju predmeta Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora broj: akt broj 08-02-11/3-03-10-03-52-26/25 od 09.09.2025. godine; Zapisnik o lišenju slobode Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora broj: 08-02-11/3-14/25 od 09.09.2025. godine; Zapisnik o otpustu osobe lišene slobode Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora broj: 08-02-11/3-14/25 od 09.09.2025. godine; Patrolni nalog Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora za dan 09.09.2025. godine od 07.00 sati do 19.00 sati broj: 08-02-11/3-03-10-7-0518/25 od 09.09.2025. godine; Izvod iz kaznene evidencije sa optuženog S. Đ. Ministarstva unutrašnjih poslova Republike Srpske, Policijske uprave Doboj, Policijske stanice Teslić broj: 14-1/01-234.1-1267/25 od 19.09.2025. godine; Zapisnik o saslušanju svjedoka Ismara Ahmetagića Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora broj 08-02-11/3-03-126/25 od 13.09.2025. godine; Zapisnik o saslušanju svjedoka F. K. Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora broj 08-02-11/3-03-127/25 od 13.09.2025. godine; Ispis iz alkotesta za optuženog S. Đ. od 09.09.2025. godine; Standardizirani policijski izvještaj Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora broj: F04-22-25-00051 od 09.09.2025. godine.

Iz Patrolnog naloga PU IV PS Usora broj: 08-02-11/3-03-10-7-0518/25 od 09.09.2025.godine proizilazi da su policijski službenici A. I. i F. K. u okviru svojih poslova i zadataka na dan 09.09.2025.godine u vremenu od 07:00 do 19:00 sati vršili poslove zadatke javne sigurnosti naročito koje se odnose na zaštitu života i osobnu sigurnost građana, zaštitu imovine, sprečavanje i razotkrivanje kaznenih djela, pronalaženje i hvatanje počinitelja kaznenih djela, održavanje javnog reda i mira, boravak i kretanje stranaca i zaštitu određenih objekata i osoba, te sigurnost, kontrolu i regulisanje prometa na putevima.

Dakle, iz navedenog proizilazi da su policijski službenici I. A. i F. K. vršeći poslove javne sigurnosti označenog datuma i vremena kao službene osobe PS Usora obavljali službenu dužnost na temelju Patrolnog naloga PU IV PS Usora broj: 08-02-11/3-03-10-7-0518/25 od 09.09.2025.godine.

Iz Zapisnika o uviđaju Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora broj: akt broj 08-02-11/3-03-23/25 od 09.09.2025. godine; Fotodokumentacije sa obavljenog uviđaja Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora broj: 23/25 od 09.09.2025. godine i Standardiziranog policijskog izvještaja Ministarstva unutrašnjih poslova Zeničko-dobojskog kantona, proizilazi da su policijski službenici A. I. i F. K. izvršili saobraćajnu kontrolu na magistralnom putu M 4 Doboj-Teslić u mjestu Žabljak lica S. Đ. sin R. iz T., nad istim licem izvršili alkotestiranje gdje je uređaj tom prilikom odreagovao 0.91 promila alkohola u organizmu.

Iz navedenih dokaza također proizilazi da je kontrolisno lice S. Đ. A. I. koji je sjedio u službenom vozilu ubacio jednu novčanicu od 20,00 Eura kojom prilikom je policijski službenik odbio da uzme navedeni novac i isti pokušao vratiti Đ. S. , govoreći mu „vrati to“, te da je tom prilikom lice uhvatilo I. za ruku i gurao navedeni novac nazad policijskom službeniku, što je sve A. I. prijavio dežurnom tužiocu i policijskoj stanici nakon čega je na lice mjesta izašla uviđajna ekipa, sačinila Zapisnik o uviđaju i Fotodokumentaciju broj: 23/25 od 07.10.2025.godine.

Iz Potvrde o privremenom oduzimanju predmeta PS Usora broj: 08-02-11/3-03-10-03-52-26/25 od 09.09.2025.godine proizilazi da je od optuženog oduzeta jedna novčanica, papirna od 20,00 Eura, serijskog broja: RP...

Iz navedenih dokaza kako materijalnih, tako i subjektivnih dokaza nesumnjivo proizilazi da je optuženi Đ.S. u kritično vrijeme i na opisani način učinio dar policijskom službeniku A. I. u cilju izbjegavanja eventualne prekršajne odgovornosti prilikom saobraćajne kontrole njegovog putničkog vozila, kao i kontrole samog optuženog čime su se u radnjama optuženog stekla sva bitna obilježja krivičnog djela „Davanje dara i drugih oblika koristi“ iz člana 381. stav 1. KZ FBiH, pa kako je optuženi bio svjestan svog djela i htio njegovo izvršenje, a što proizilazi iz upornosti optuženog da policijski službenik A. I. uzme novčanicu od 20,00 Eura koje mu je on dao u cilju sprečavanja policije da ga kazni

ili isključe iz saobraćaja zbog alkoholiziranosti, to je sud optuženog oglasio krivim i osudio kao u izreci ove presude.

Prilikom odlučivanja o vrsti i visini krivično pravne sankcije, sud je cijenio na strani optuženog sve okolnosti koje su od značaja za odmjeravanje kazne. Od olakšavajućih okolnosti sud je našao da optuženi priznaje izvršenje djela koje mu se stavlja na teret, da pokazuje iskreno kajanje, njegovo korektno držanje pred sudom, da do sada nije osuđivan, otežavajućih okolnosti sud nije našao, pa imajući u vidu navedene olakšavajuće uz odsustvo otežavajućih okolnosti sud je optuženog osudio na kaznu zatvora u trajanju od osam (8) mjeseci, a koja kazna se neće izvršiti ukoliko optuženi u roku od 2 (dvije) godine računajući od dana pravosnažnosti presude ne učini novo krivično djelo, smatrajući da je ova krivično pravna sankcija adekvatna težini krivičnog djela kao i ličnosti učinioa i da će se sa izrečenom kaznom postići opšta svrha kažnjavanja, kako sa aspekta generalne tako i specijalne prevencije.

U smislu članova 381. stav 4. i 78. stav 1. Krivičnog zakona FBiH od optuženog S. Đ. trajno se oduzima novčanica u apoeni od 20,00 Eura serijskog broja: RP ... o čemu mu je izdata Potvrda o privremenom oduzimanju predmeta Ministarstva unutrašnjih poslova Zeničko-dobojskog kantona, Uprave policije, Policijske uprave IV, Policijske stanice Usora broj: akt broj 08-02-11/3-03-10-03-52-26/25 od 09.09.2025. godine., koja sredstva nakon pravosnažnosti presude će biti uplaćena u korist budžeta FBiH.

U smislu članova 199. stav 2. tačka a) i g) i 202. stav 1. Zakona o krivičnom postupku optuženi je obavezan na plaćanje troškova krivičnog postupka-paušala u iznosu od 100,00 KM, koje troškove je optuženi dužan platiti u roku od 30 dana od dana pravosnažnosti presude.

Na osnovu svega navedenog odlučeno je kao u dispozitivu presude.

PRAVNA POUKA:

Protiv ove presude dozvoljena je žalba
Kantonalnom sudu u Zenici putem ovog suda
u roku od 15 dana od dana prijema presude

SUDIJA

Besima Ajanović